

IZVJEŠTAJ

**O RADU ODBORA ZA ROME PRI VIJEĆU MINISTARA BOSNE I HERCEGOVINE
ZA PERIOD FEBRUAR 2020. – FEBRUAR 2021. GODINE**

Sarajevo, februar 2021. godina

IZVJEŠTAJ

O RADU ODBORA ZA ROME PRI VIJEĆU MINISTARA BOSNE I HERCEGOVINE ZA PERIOD FEBRUAR 2020. - FEBRUAR 2021. GODINE

1. Uvod

U skladu s Programom rada Vijeća ministara Bosne i Hercegovine, Ministarstva za ljudska prava i izbjeglice Bosne i Hercegovine (*u daljem tekstu MLJPI*) i Odbora za Rome pri Vijeću ministara Bosne i Hercegovine (*u daljem tekstu: Odbor za Rome*) sačinjen je Izvještaj o radu Odbora za Rome pri Vijeću ministara Bosne i Hercegovine za period februar 2020. – februar 2021. godine (*u daljem tekstu Izvještaj*).

Oblast rada i djelovanja Odbora za Rome nalazi se u Strategiji Bosne i Hercegovine za rješavanje problema Roma¹ (*u daljem tekstu Strategija*), Akcionom planu za rješavanje problema Roma u oblasti zapošljavanja, stambenog zbrinjavanja i zdravstvene zaštite 2017.-2022.² (*u daljem tekstu: APR 2017.-2020.*) i Okvirnog akcionog plana o obrazovnim potrebama Roma / Romkinja u BiH 2018.-2022.³ (*u daljem tekstu OAP 2018. -2022.*), kao i programa koje je Bosna i Hercegovina prihvatila od Vijeća za regionalnu saradnju (*u daljem tekstu RCC*) i programa Romacted-a koji sprovodi Vijeće Europe u Bosni i Hercegovini.

Odbor za Rome formiran je na prijedlog MLJPI, a Odluku o osnivanju Odbora za Rome pri Vijeću ministara Bosne i Hercegovine („ Službeni glasnik BiH“, broj: 85/12)⁴ je imenovalo Vijeće ministara Bosne i Hercegovine na 93. sjednici održanoj 08.03.2017. godine donoseći pri tome Odluku o imenovanju članova Odbora za Rome pri Vijeću ministara Bosne i Hercegovine („ Službeni glasnik BiH“, broj: 24/17)⁵.

Usvajanjem novih strateških dokumenata za Rome, a koji nisu bili sadržani u Odluci o osnivanju Odbora za Rome pri Vijeću ministara Bosne i Hercegovine iz 2012. godine, na prijedlog MLJPI i Odbora za Rome, donesena je Odluka o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine (*u daljem tekstu: Izmijenjena Odluka o osnivanju Odbora za Rome*), koja je usvojena na 17. sjednici održanoj 05.08.2019. godine („ Službeni glasnik BiH“, broj 66/19)⁶.

Izmijenjenom Odlukom o osnivanju Odbora za Rome, pored sadržanih novih strateških dokumenata za Rome, došlo je do izmjene sastava Odbora za Rome gdje se za predstavnike institucija, a koje participiraju u Odboru za Rome dodaje i 11 zamjenskih članova, kako bi se uklonile prepreke s kojima je se ovo savjetodavno tijelo suočavalo zbog nedostatka kvoruma na sjednicama.

¹http://www.mhrr.gov.ba/ljudska_prava/Odbor_za_Rome/Strategija%20BIH%20za%20riesavanje%20PROBLEM%20Roma.pdf

²http://www.mhrr.gov.ba/ljudska_prava/Akcioni%20plan%20BiH%20za%20riesavanje%20problema%20Roma%202017-2020%20%20BOS.pdf

³ <http://www.mhrr.gov.ba/PDF/djeca/Okvirni%20Akcioni%20Plan%20fin%20verzija.pdf>

⁴ <http://www.sluzbenilist.ba/page/akt/n34DCBrGS8Q=>

⁵ http://www.mhrr.gov.ba/ljudska_prava/Odbor_za_Rome/Odluka%20o%20imenovanju%20Odbora.pdf

⁶ <http://www.sluzbenilist.ba/page/akt/piDUKj03Rpo=>

Slijedom aktivnosti, donesena je Odluka o izmjeni Odluke o imenovanju članova Odbora za Rome pri Vijeću ministara Bosne i Hercegovine (*u daljem tekstu: Izmijenjena Odluka o imenovanju Odbora za Rome*), koja je donesena na 17. sjednici Vijeća ministara Bosne i Hercegovine, održane 01.10.2020. godine („Službeni glasnik BiH“, broj 76/20)⁷.

U skladu sa Izmijenjenom Odlukom o imenovanju Odbor za Rome pri Vijeću ministara Bosne i Hercegovine, imenovana su 22 člana i 11 zamjenskih članova za predstavnike institucija i to:

- 11 predstavnika Roma,
- 11 predstavnika institucija i njihovih zamjenskih članova.

Ispred institucija Bosne i Hercegovine po jednog predstavnika i njegovog zamjenskog člana ispred: Ministarstvo za ljudska prava i izbjeglice Bosne i Hercegovine, Ministarstvo finansija i trezora Bosne i Hercegovine, Ministarstvo civilnih poslova Bosne i Hercegovine, Ministarstvo sigurnosti Bosne i Hercegovine, Ministarstvo pravde Bosne i Hercegovine, Direkcija za europske integracije, Agencija za zapošljavanje Bosne i Hercegovine i Agencija za ravnopravnost polova Bosne i Hercegovine.

Također, po jednog predstavnika predlažu vlade Federacije Bosne i Hercegovine, Republike Srpske i Brčko distrikta Bosne i Hercegovine.

Članove Odbora za Rome ispred romskih nevladinih organizacija, po principu jedno udruženje jedan glas, osiguravajući ravnopravnu teritorijalnu zastupljenost, bira se iz Federacije Bosne i Hercegovine šest članova i to po jednog člana:

- Sarajevskog kantona, Zeničko-dobojskog kantona, Unsko-sanskog kantona, Tuzlanskog kantona, Srednjobosanskog kantona i Hercegovačko-neretvanskog kantona.

Iz Republike Srpske tri člana i to:

- sa područja regije Banja Luke, Doboja i Bijeljine.

Iz Brčko distrikta Bosne i Hercegovine jednog člana.

Poštujući odredbe Zakona o ravnopravnosti spolova BiH, Ženska romaska mreža predlaže jednu predstavnicu.

2. CILJEVI I ZADACI

Odbor za Rome kao savjetodavno tijelo Vijeća ministara BiH ima nadležnost da raspravlja o svim značajnim pitanjima koja su navedena u gore nabrojanim dokumentima, te na osnovu

⁷ <http://sluzbenilist.ba/page/akt/b9Kgztz5k76kjin45hRy4f64l=>

njih prati provođenje strateških ciljeva i zadataka, te na osnovu istih predlaže postupke za realizaciju, izvještava o postignutim rezultatima i implementaciji istih.

Ovo savjetodavno tijelo pri Vijeću ministara aktivno učestvovao u kreiranju budžeta za realizaciju zadataka iz APR 2017.-2020. i OAP 2018-2022. , kao i kreiranju programskog budžetiranja za svaku godinu.

U skladu s navedenim, Odbor za Rome je u ovom izvještajnom periodu izvršavao je poslove i radne zadatke, i to:

- a) sistemski prati provođenja APR 2017.-2020. i OAP 2018.-2022.;
- b) donosi operativne planova i predlaže mjere za unapređenje provođenja APR 2017.-2020. i OAP 2018.-2022.;
- c) predlaže finansijska sredstva u budžetu MLJPI za realizaciju svih planiranih aktivnosti
- d) prati utrošak planiranih sredstava u budžetima za 2018. i 2019. godinu, te prati dinamiku realizacije utroška istih;
- e) uključuje se u ostvarivanju kontakata s potencijalnim donatorima i drugih zainteresovanim strana na osiguravanju sredstava za provođenje Akcionih planova;
- f) predlaže ili formira stalne ili povremene komisije i tematsko- stručne grupe, u skladu s raspoloživim finansijskim sredstvima za realizaciju svojih zadataka;
- g) Aktivno učestvuje u monitoringu i praćenju realizacije utvrđenih aktivnosti u sklopu APR 2017.-2020. i OAP 2018.-2022
- h) daje stručna mišljenja, primjedbe i stavove na sve materijale koji se upućuju na Vijeće ministara BiH a koja se tiču inkluzije, to jest uključenje Roma u bosanskohercegovačko društvo.

3. NAČIN RADA

Način rada i odlučivanja, uređen je Poslovníkom o radu Odbora za Rome. Na čelu Odbora za Rome nalazi se predsjednik koji predsjedava radom Odbora za Rome, vodi sjednice i isti predstavlja pred organima i institucijama na svim nivoa vlasti u BiH i u javnosti.

Zaključke, preporuke i mišljenja o pitanjima koje ovo savjetodavno tijelo donosi na sjednicama, Odbor za Rome usvaja većinom glasova prisutnih članova. Stručnu i administrativno - tehničku pomoć Odboru za Rome pružaju dva državna službenika ispred MLJPI .

4. REALIZACIJA CILJEVA I ZADATKA

U skladu s ciljevima i zadatcima Odbora za Rome koji su definisani Odlukama o osnivanju Odbora za Rome pri Vijeću ministara BiH u izvještajnom periodu od februara 2020. do februara 2020. godinu, održao je ukupno 6 sjednica na kojima je doneseno 40 zaključka.

U skladu s vanrednom situacijom izazvanom pandemijom COVID – 19, Odbor za Rome održao je 2 elektronske sjednice putem ZOOM aplikacije.

Unatoč novonastaloj situaciji, jedan dio delegacije ispred Odbor za Rome obilježio je Međunarodni dan sjećanja na romske žrtve Holokausta 02.08.2020. godine, polaganjem vijenca na spomen obilježju Donja Gradina.

Također, članovi ovog savjetodavnog tijela aktivno su participirali na svim sastancima koje su se organizovali na međunarodnom i domaćem nivou (u organizaciji Europske komisije, Vijeća Europe, Vijeće za regionalnu saradnju (RCC), u sklopu programa Romacted, programa Horizontal Facility i drugih događaja koje su domaće institucije i civilna društva organizirala putem on line ili samih sastanaka).

Sve aktivnosti koje su proistekle iz djelokruga rada Odbora za Rome, stručna i administrativno – tehnička podrška davalo je MLJPI i iste vodila kroz zapisnike koje verifikuje predsjedavajući Odbora za Rome.

Na bazi sačinjenih zapisnika sa 6 održanih sjednica, dajemo pregled i sadržaj izvršenih poslova i radnih zadataka:

- Članovi Odbora za Rome su pored Europske komisije u Bosni i Hercegovini i MLJPI organizovali i pripremili Seminara o inkluziji Roma Europske komisije, gdje su učestvovali u radu radnih grupa u sklopu kojega su doneseni Operativni zaključci iz oblasti civilne registracije, zapošljavanja, zdravstvene zaštite, stanovanja i obrazovanja;
- Tokom izvještajnog perioda Odbor za Rome je u kontinuitetu pratio realizaciju ciljeva i zadataka koji su proistekli iz APR 2017.-2020. i OAP 2018.-2022, te predlagao mjere za praćenje realizacije istih, prema utvrđenoj dinamici u skladu sa finansijskim sredstvima za svaku godinu;
- Ovo savjetodavno tijelo Vijeća ministara BiH zbog ne usvajanja budžeta i privremenog finansiranja za 2020. godinu, Odbor za Rome nije sudjelovao u utvrđivanju i rasporedu finansijskih sredstava;
- Sudjeluju u aktivnostima vezano za podršku i pomoć ranjivim kategorijama stanovništva u BiH koji su suočeni s problemima vezanim za pandemiju COVID – 19 i saniranje posljedica nastale COVID – 19 u vidu relokacija svojih budžeta unutar organizacija i podjele pomoći u vidu higijensko – prehrambenih proizvoda i pomogalima u praćenju on line nastave;
- Članovi Odbora za Rome u 2020. godini su imenovali svoje članove u radnoj grupi za izradu Izvještaja o realizaciji OAP 2018.-2022. za 2019. godinu;
- Odbora za Rome pokrenuo je aktivnost o izmjeni i dopuni Odluke o izmjenama o izmjeni Odluke o imenovanju članova Odbora za Rome pri Vijeću ministara Bosne i Hercegovine (u daljem tekstu: *Izmijenjena Odluka o imenovanju Odbora za Rome*), koja je donesena na 17. sjednici Vijeća ministara Bosne i Hercegovine, održane 01.10.2020. godine („Službeni glasnik BiH“, broj 76/20);
- Ovo savjetodavno tijelo je pokrenuo inicijativa za izmjenu Memoranduma o zapošljavanju Roma u dijelu koji se odnosi na pravo korištenja sufinansiranja zapošljavanja Roma na više godina;
- Priprema prijedlog Izvještaja o Izvještaju o radu Odbora za Rome pri Vijeću ministara BiH za period februar 2020. – februar 2021. godine;
- sudjeluju u prikupljanju podataka za Izvještaj o provođenju APR 2017.-2020. godina po RCC obrascima i praćenje realizacije mjera iz Deklaracije zemalja zapadnog Balkana za 2018/2019. godinu;

- Sudjeluje u pripremi Nacrta Izvještaja o provedbi Okvirnog Akcionog plana o obrazovnim potrebama Roma/Romkinja u BiH za period 2018-2022. godine za 2019. godinu;
- Sudjeluje i izradi Dinamike rada za donošenje novog Akcionog plana za uključivanje/inkluziju Roma u Bosni i Hercegovini 2021.-2025

U skladu sa zadacima Odbora za Rome je sačinio i usvojio Izvještaj o radu Odbora za Rome pri Vijeću ministara Bosne i Hercegovine za period februar 2020. – februara 2021. godine.

U cilju kvalitetnijeg praćenja i postozanja boljih rezultata u oblastima koje su sadržane u Akcionom planu i Operativnim planovima Europske komisije u Bosni i Hercegovini, Odbor za Rome je formirao Radne grupe za oblast:

- Civilne registracije i anti-gypsism;
- Oblast zapošljavanja;
- oblast zdravstvene zaštite;
- Oblast obrazovanja i
- Oblast stambenog zbrinjavanja.

Uzimajući u obzir sve gore navedeno, kao i činjenicu da je Odbor za Rome na svojoj sedamnaestoj sjedinici održano 18.02.2021. godine razmatrao i usvojili ovaj Izvještaj, **predlaže se Vijeću ministara BiH, da nakon razmatranja Izvještaja o radu Odbora za Rome pri Vijeću ministara BiH za period februar 2020. – februar 2021. godine donese sljedeći:**

ZAKLJUČAK

- 1) **Usvaja se Izvještaj o radu Odbora za Rome pri Vijeću ministara Bosne i Hercegovine za period februar 2020. – februar 2021. godine.**